

Anno 1886, die Sabbati, 16 Januarii, eximius Beatae Mariæ Virginis de perpetuo Succursu cultor, **R. P. Michael Marchi**, a clementissimâ Matre in cælum deductus est. Natus Romæ, die 29 Septembris anno 1829, juvenis Augustinianorum ecclesias in Urbe frequentans, cum fratre laico, Augustino Orsetti, consuetudinem junxit. Ab eo historiam prodigosæ Imaginis de perpetuo Succursu edoctus, quum die 25 Martii 1857 in Congregatione SS. Redemptoris vota emisisset, et die 2 Octobris 1859 sacerdotio initiatus esset, suo tempore Revmum P. Nicolaum Mauron certiore facere potuit, ubinam pretiosus ille thesaurus lateret. Tandem (ut fusius narratur in libro: *B. V. M. de perpetuo Succursu*) « die 19 Januarii anni 1886..., adhibito socio, P. Priorem S. Mariæ in Posterula adivit, atque ab eo exoptatam accepit effigiem ». — Itaque a divinâ Providentiâ in Villam Casertam missus, ut suâ operâ ad prodigosæ iconis cultum resuscitandum conferret, nihil etiam intentatum reliquit, ut eundem cultum alacrius in dies foveret magisque dilataret. Porro quum habitas deesset, quâ vel in sacro suggestu vel in pœnitentiæ tribunali laborem fructuose impenderet, totis viribus ad sacras Ecclesiæ

---

---

cæremonias addiscendas incubuit, earumque adeo peritus evasit, ut præfecti ecclesiæ et cæremoniarum magistri officium in domo generalitiâ honorifice sustinuerit, ac jure merito psalmistæ verba crebro usurparit: *Domine, dilexi decorem domûs tuæ*. Præcipuo etiam in Rosarium B. M. V. amore ferebatur; quapropter quotidie in cubiculo, idque genu nixus, illud recitabat, licet singulis vesperis unâ cum populo idem publice faceret.